



## **I N F O R M A C I J A**

### **o stanju sigurnosti na području općine Vogošća**

### **za 2025. godinu**

Ovom Informacijom obuhvaćeno je stanje kriminaliteta, javnog reda i mira i sigurnosti saobraćaja na području općine iz nadležnosti rada PU Vogošća utvrđenih zakonima i Pravilnikom o unutrašnjoj organizaciji Ministarstva unutrašnjih poslova Kantona Sarajevo.

PU Vogošća je u 2025. godini realizovala poslove i zadatke iz mjesečnih i godišnjih planova rada, uz dosljednu primjenu zakona, uredbi, pravilnika i ostalih podzakonskih akata. Poseban akcent u radu dat je zakonitom, stručnom i blagovremenom izvršavanju poslova i zadataka iz djelokruga rada organa unutrašnjih poslova.

Prioriteti su dati zaštiti života, lične i imovinske sigurnosti građana, spriječavanju i rasvjetljavanju kriminogenog ponašanja pojedinaca i grupa, predupređenju i rasvjetljavanju svih oblika narušavanja javnog reda i mira, osiguranju ličnosti i manifestacija, te preduzimanja mjera na kontroli učesnika u saobraćaju i poboljšanju stanja sigurnosti saobraćaja na putevima, na području općine Vogošća.

Kontinuirano je ostvarivana saradnja sa nadležnim općinskim i kantonalnim organima i organizacijama, javnim preduzećima, nevladinim sektorom, kao i sa sredstvima javnog informisanja s ciljem blagovremenog i adekvatnog informisanja javnosti o određenim događajima iz djelokruga rada Policijske uprave Vogošća u cilju osiguranja transparentnosti u radu, putem Odjeljenja za odnose sa javnošću MUP-a Kantona Sarajevo.

Posebno dobra i intezivna saradnja je ostvarena sa svim nivoima agencija za zaštitu zakonitosti u segmentu sigurnosti, Kantonalnim tužilaštvom Sarajevo i Općinskim sudom Sarajevo.

### **KRIMINALITET**

U 2025. godini na području općine Vogošća evidentirana su 152 događaja sa obilježem krivičnog djela koja su dostavljena Kantonalnom tužilaštvu Kantona Sarajevo. Pored navedenog broja Kantonalnom tužilaštvu u Sarajevu dostavljeno je 104 predmeta na mišljenje i odluku o daljem postupanju.

Od ukupnog broja evidentiranih događaja sa obilježjem krivičnog djela službenici PU Vogošća rasvjetlili su 135 krivičnih djela što u procentima iznosi 88,8%, dok je 2024. godine od ukupno 172 prijavljenih krivičnih djela rasvijetljeno 130 krivičnih djela što u procentima iznosi 75,5%, a broj predmeta koji su dostavljeni Kantonalnom tužilaštvu na mišljenje i odluku o daljem postupanju iznosio je 172.

Upoređujući podatke sa istim izvještajnim periodom 2024. godine kada je na području općine Vogošća evidentirano 172 događaja sa obilježjem krivičnog djela, primjetno je smanjenje za 20 događaja sa obilježjima krivičnog djela u toku 2025. godine. Kada su u pitanju krivična djela vezana za nasilje u porodici tokom 2025. godine je zabilježeno 29, a tokom 2024. godine je zabilježeno 28, što je i dalje velik broj, a radi se vrsti krivičnih djela gdje policijski službenici mogu samo represivno djelovati. Smanjen je broj prijavljenih krivičnih djela ugrožavanje sigurnosti za 11, u 2024. godini evidentirano 25, a u 2025. godini 14 krivičnih djela, a radi se također o krivičnim djelima gdje je vrlo teško preventivno djelovati s obzirom da do istih pretežno dolazi do narušenih međusobnih privatnih ili poslovnih odnosa između građana. Do smanjenja broja krivičnih djela je došlo kada su u pitanju i krivična djela krađe i teške krađe za 19 krivičnih djela, a u 2025. godini evidentirano je jedno krivično djelo teška krađa u pokušaju.

U toku 2025. godine nije bilo evidentiranih krivičnih djela razbojništva, a čije izvršenje bi izazvalo uznemirenje javnosti, a u 2024. godini je zabilježeno jedno krivično djelo razbojništva.

Ukupna materijalna šteta pričinjena događajima sa obilježjem krivičnog djela, a za koju su se izjasnili oštećeni je 75 475 KM.

#### **Tabelarni pregled strukture događaja sa obilježjem krivičnog djela**

|                            |         |                                                                                                                                                                                                                       | <b>2024</b> | <b>2025</b> |
|----------------------------|---------|-----------------------------------------------------------------------------------------------------------------------------------------------------------------------------------------------------------------------|-------------|-------------|
| GLAVA<br>ŠESNAESTA         | KZ FBiH | Krivična djela protiv života i tijela<br>-Teške tjelesne povrede-8<br>-Laka tjelesna povreda-7                                                                                                                        | 12          | 15          |
| GLAVA<br>SEDAMNAESTA       | KZ FBiH | Krivična djela protiv slobode i prava<br>čovjeka i građanina<br>-Ugrožavanje sigurnosti- 14                                                                                                                           | 26          | 14          |
| GLAVA<br>DEVETNAESTA       | KZ FBiH | Krivična djela protiv spolne slobode<br>i morala                                                                                                                                                                      | 01          | 00          |
| GLAVA<br>DVADESETA         | KZ FBiH | Krivična djela protiv braka, porodice<br>i mladeži<br>-Nasilje u porodici- 29<br>-Kršenje izrečenih zaštitnih mjera- 4<br>-Izbjegavanje izdržavanja- 3                                                                | 28          | 36          |
| GLAVA<br>DVADESETA<br>PRVA | KZ FBiH | Krivična djela protiv zdravlja ljudi<br>-Neovlaštena proizvodnja i stavljanje<br>u promet opojnih droga- 2<br>-Posjedovanje i omogućavanje<br>uživanja opojnih droga -13                                              | 12          | 15          |
| GLAVA<br>DVADESETA<br>PETA | KZ FBiH | Krivična djela protiv imovine<br>-Krađa-11<br>-Teška krađa-29<br>-Ucjena-1<br>-Oštećenje tuđe stvari-9<br>-Prijevarena-2<br>-Iznuda-1<br>-Paljevina-1<br>-Teška krađa u pokušaju-1<br>-Krađa u pokušaju-1<br>-Utaja-2 | 74          | 58          |

|                              |          |                                                                                                                                                                                     |            |            |
|------------------------------|----------|-------------------------------------------------------------------------------------------------------------------------------------------------------------------------------------|------------|------------|
| GLAVA<br>DVADESETA<br>ŠESTA  | KZ FBiH  | Krivična djela protiv okoliša,<br>poljoprivrede i prirodnih dobara<br>-Mučenje i ubijanje životinja-2                                                                               | 01         | 02         |
| GLAVA<br>DVADESETA<br>SEDMA  | KZ FBiH  | Krivična djela protiv opće sigurnosti<br>ljudi i imovine<br>-Nesavjesno čuvanje pasa ili drugih<br>opasnih životinja 3                                                              | 07         | 03         |
| GLAVA<br>DVADESETA<br>DEVETA | KZ FBiH  | Krivična djela protiv pravosuđa<br>-Lažno prijavljivanje-1<br>-Davanje lažnog iskaza-1                                                                                              | 04         | 02         |
| GLAVA<br>TRIDESETA           | KZ FBiH  | Krivična djela protiv javnog reda i<br>pravnog prometa<br>-Nasilničko ponašanje-5<br>-Povreda ili skidanje sl.pečata-1<br>-Nedopušteno držanje oružja ili<br>eksplozivnih naprava-1 | 05         | 07         |
| DIO DEVETI                   | ZONDINOM | Odredbe o sankcijama                                                                                                                                                                | 02         | 00         |
| <b>UKUPNO :</b>              |          |                                                                                                                                                                                     | <b>172</b> | <b>152</b> |

Sagledavajući uporedne pokazatelje broja prijavljenih i broja rasvjetljenih krivičnih djela, generalno se može dati pozitivna ocjena o stanju kriminaliteta na području općine Vogošća u 2025.godini.

Rezultat je to planskih operativno-taktičkih mjera i radnji koje su poduzimali službenici PU Vogošća , pojedinačno i koordinirao, a sve ovisno od analitičkih pokazatelja stanja kriminaliteta po mjestu, vremenu i učestalosti vršenja određenih krivičnih djela. Dodatnim angažovanjem policije po pojedinim akcijama MUP-a Kantona Sarajevo i akcija lokalnog karaktera, značajno je sužen prostor za kriminalno djelovanje kako pojedinaca na području općine Vogošća, tako i organizovanih grupa i pojedinaca koji vrše krivična djela na području Kantona Sarajevo i šire.

## JAVNI RED I MIR

Na području općine Vogošća u 2025. godini registrovano je izvršenje 207 prekršaja narušavanja javnog reda i mira , što je za 60 prekršaja manje u odnosu na 2024. godinu , gdje je broj izvršenih prekršaja iznosio 236. lica za koja je utvrđeno da su počinio prekršaja iz predmetne oblasti koji su prekršajno sankcionisani.

Neophodno je naglasiti da je stanje u ovoj oblasti bolje u odnosu na 2024. godinu, s obzirom da je veliki broj prekršaja uočen i evidentiran od strane policijskih službenika, posebno kada su u pitanju uživanje opojnih droga na javnom mjestu, konzumiranje alkohola na javnom mjestu koje nije za to predviđeno, prosjačenje i prekršaji po ZONDINOM-u.

Po Zakonu o prekršajima protiv javnog reda i mira evidentirano je 184 prekršaja, po odluci o JRiM općine Vogošća 14 prekršaja , te po Zakonu o nabavljanju , držanju i nošenju oružja i municije 09 prekršaja.

U strukturi prekršaja protiv javnog reda i mira najbrojniji su prekršaji uživanje opojnih droga na javnom mjestu 44 i naročito drsko ponašanje 43 prekršaja, a po odluci o JRiM općine Vogošća izdvaja se konzumiranje alkohola na otvorenim prostorima koji nisu predviđeno 9 prekršaja .

Imajući u vidu da narušavanje javnog reda i mira može bitno uticati na stabilnost sigurnosne situacije zadatak policijskih službenika PU Vogošća u 2025. godini bio je praćenje i analiziranje

stanja javnog reda i mira, s tim u vezi dat je prioritet na preduzimanje preventivnih mjera na sprječavanju i suzbijanju narušavanja javnog reda i mira u većem obimu .

Tokom 2025. godine kao i prethodnih godina redovno su sprovedene aktivnosti na suzbijanju prosjačenja . Generalno gledajući ovaj vid društveno neprihvatljivog ponašanja nije izražen na području općine Vogošća , ali je i pored toga u rješavanje pojedinačnih slučajeva neophodno uključivanje drugih državnih institucija .

Za razliku od 2024. godine u 2025. godini nisu evidentirani prekršaji iz oblasti Zakona o zaštiti od nasilja u porodici, iz razloga što su u većini slučajeva obilježja radnji upućivala na postojanje krivičnog djela, zbog čega su događaji kvalifikovani i procesuirani u skladu sa odredbama Krivičnog zakona FBiH, a ne kao prekršaji.

## **ZAKON O NABAVLJANJU, DRŽANJU I NOŠENJU ORUŽJA I MUNICIJE**

Tokom 2025. godine, Policijska uprava Vogošća je u skladu sa čl. 49 stav 8 Zakona o nabavljanju, držanju i nošenju oružja i municije, pratila i redovno ažurirala evidencije vlasnika oružja. Nakon što su utvrđeni elementi prekršaja protiv 9 vlasnika oružja pokrenut je prekršajni postupak izdavanjem prekršajnog naloga.

## **SIGURNOST SAOBRAĆAJA**

Tokom 2025. godine na području općine Vogošća evidentirano je 233 saobraćajnih nezgoda, što je 2 saobraćajne nezgode manje nego u 2024. godini , kada je evidentirano 235 saobraćajnih nezgoda. Evidentiran je i veći broj povrijeđenih lica u ovim saobraćajnim nezgodama, ukupno 84 lica.

|                                                    | <b>2024</b> | <b>2025</b> |
|----------------------------------------------------|-------------|-------------|
| - Izvršeno uviđaja saobraćajnih nezgoda            | 235         | 233         |
| - Broj saobraćajnih nezgoda sa povrijeđenim licima | 64          | 68          |
| - Broj saobraćajnih nezgoda sa materijalnom štetom | 171         | 165         |
|                                                    |             |             |
| Lakše povrijeđeno lica                             | 82          | 80          |
| - vozač                                            | 58          | 50          |
| - pješaka                                          | 03          | 04          |
| - putnika                                          | 21          | 26          |
| Teže povrijeđenih lica                             | 01          | 04          |
| -vozač                                             | 01          | 03          |
| -pješak                                            | 00          | 00          |
| -putnik                                            | 00          | 00          |

U ovom izvještajnom periodu kontrolisano je 19555 motornih vozila i vozača, te je registrovano izvršenje 11055 prekršaja iz oblasti sigurnosti saobraćaja na putevima, za koje su izdati prekršajni nalozi i podneseni zahtjevi za pokretanje prekršajnog postupka. Evidentno je da je u toku ovog izvještajnog perioda sankcionisan veći broj počinilaca prekršaja, a što je rezultat pojačanih aktivnosti policijskih službenika. Po strukturi uočenih i sankcionisanih prekršaja izdvajaju se prekoračenje brzine kretanja m/v – 4376 prekršaja i nepropisno parkiranje 1910.

Tokom 2025. godine od povratnika u činjenju težih oblika krivičnih djela oduzeto je ukupno 3 motorna vozila, dok je protiv istih podnošenjem Zahtjeva za pokretanje prekršajnog postupka kod nadležnog Suda pokrenut prekršajni postupak. Prekršajni postupak za vozače motornih vozila koja su privremeno oduzeta još uvijek nije okončan.

## **JAVNI SKUPOVI I POSEBNA OSIGURANJA**

Tokom 2025. godine službenici PU Vogošća izvršili su osiguranje 167 javnih skupova, sportskih, kulturnih i drugih skupova kojom prilikom su angažovana 335 policijska službenika. Za vrijeme angažovanja ovih javnih skupova nije dolazilo do narušavanja javnog reda i mira.

Kontinuirano su izvršavani poslovi pratnje prevoza eksplozivnih sredstava i oružja 635 pratnji, te praćaj veoma važnih ličnosti kojem se posebno obezbjeđuju i stranih delegacija, navijača u dolasku i povratku sa značajnih sportskih događaja.

## **RAD POLICIJE U ZAJEDNICI I OSTALE AKTIVNOSTI**

Posebno treba naglasiti trajno opredjeljenje MUP-a Kantona Sarajevo na realizaciji projekta rad policije u zajednici. PU Vogošća provodi čitav niz aktivnosti od sastanaka sa građanima, MZ, te predavanja u osnovnim školama, posjeta obrazovnim ustanovama, te kontakta i saradnje sa nevladinim organizacijama. Osnovni cilj ovih aktivnosti je približavanje građana i policije, upoznavanje sa problemima, zajedničko planiranje i preduzimanje mjera za rješavanje problema iz raznih segmenta djelovanja.

Policijski službenici su se naročito zalagali za edukovanje školske djece u oblasti sigurnosti saobraćaja, prevencije zloupotrebe pirotehničkih sredstava, te projekat pod nazivom „stop međuvršnjačkom nasilju“. Također je tokom septembra, oktobra i novembra 2025. godine, kada su lažne dojave o podmetnutim bombama u školama poprimile javni oblik, redovno vršena edukacija učenika o štetnosti navedene pojave.

U skladu sa zakonom o unutrašnjim poslovima pruža se neophodna pomoć drugim organima i organizacijama u izvršavanju njihovih redovnih poslova i zadataka kada je takva pomoć neophodna. Posebno se izdvaja zajednički rad sa službom socijalne zaštite Vogošća i centrom za mentalno DZ Vogošća kada je u pitanju rad sa duševno bolesnim licima, koja su ne rijetko i počinocu prekršaja, ali su kategorija koja zahtjeva drugačiji pristup.

Iz podataka navedenih u ovoj Informaciji jasno je da se generalno može dati pozitivna ocjena stanja sigurnosti na području općine Vogošća u 2025. godini.

Vogošća, 15.01.2026.godine